



Vschinauncha da S-chanf

7525 S-chanf



ENGADIN
St. Moritz

Da la suprastanza cumünela

Dumandas da fabrica

La suprastanza cumünela piglia cugnuschentscha da la seguinta dumanda:

- La suprastanza cumünela piglia cugnuschentscha da la dumanda da fabrica ed il permiss POZ pel sviamaint provisoric cun las confirmas dals proprietaris da terrain.

Infrastructura d'IT illa chesa cumünela e la chesa da scoula

Tar l'infrastructura d'IT (chesa cumünela / chesa da scoula) sun da fer divers adattaments e renovaziuns urgiantamaing. Il chanzlist ho dumando per duos offertas tar la firma RICOH Schweiz AG e la firma Informatica AG. Ils cuosts per fer quista renovaziun da l'infrastructura d'IT s'amuntan sün ca. fr. 41'700.00 per quist an, impü minch'an ca. fr. 2200.-. I'l preventiv 2018 sun previss per quistas lavuors fr. 50'000.-. Impü es previss l'attach da la rait da fibra in chesa cumünela scu eir illa chesa da scoula. La suprastanza cumünela decida unanimamaing da surder las lavuors d'infrastructura d'IT a la firma Informatica. Seguints trais puncts d'eiran decisivs per quist'offerta : Sustegn illa val (Samedan), pudair nüzzer las sinergias cullas scoulas illa Plaiv (primara e s-chelin ot) ed ün programm d'investiziun graduu sur ils prossems tschinch ans.

Iniziativa – declaraunza da validited

La suprastanza cumünela ho tratto ils 18 avrigl 2018 l'iniziativa regard la controlla da la remuneraziun dals presidents cumünels i'ls ultimsesch ans. Cun scriver dals 19 marz 2018 (Entro ils 20 marz 2018) inolteschan 29 suotsegnos ün'iniziativa a regard l'adöver da "l'uorden da salarisaziun per uffiziants, impiegos e lavuraints cumünels e vschinels da la vschinauncha da S-chanf". As basand sün art. 19 dals tschantaments cumünels da la vschinauncha da S-chanf pretendan ils suotsegnos, ch'ün giurist da lingua rumauntscha controlla insembel cun la cumischiun da gestiun (CDG), scha las remuneraziuns e spaisas pajedas il's ultimsesch ans als presidents cumünels correspuondan a l'uorden da salarisaziun per uffiziants, impiegos e lavuraints cumünels e vschinels da la vschinauncha da S-chanf, approvo da la radunanza cumünela dals 25 october 2007. Eventuelas irregularitets dessan gnir comentadas e qualificadas in ün rapport a maun da la radunanza cumünela. Il chanzlist cumünel ho do inavaunt l'iniziativa al giurist cumünel. Causa absenja dal giurist po gnir fat quint cun üna resposta cumanzamaint meg. Tar üna declaraunza da validited da l'iniziativa tres la suprastanza cumünela po gnir suottamiss la dumanda per l'approvaziun il pü bod a la radunanza cumünela ils 20 gün 2018. L'examinaziun da la situaziun crudess illa sted e l'examinaziun pudess gnir pür suottamissa ad üna radunanza cumünela d'utuon. Independentamaing da la declaraunza da validited tratta la suprastanza cumünela il desideri da l'iniziativa. La suprastanza cumünela constatescha, cha independentamaing da la validited da l'iniziativa, cha quista chosa es urgianta e stu gnir sclarieu immediat. I vegn do inavaunt l'incumbenza a la cdg da fer ils sclariments pü a fuonz cun ün giurist. La suprastanza cumünela giavüscha, cha la radunanza cumünela vegn missa in cugnuschentscha dal rapport da l'examinaziun a la radunanza cumünela ils 20 gün 2018.

La suprastanza cumünela decida das surder la lavur a la cumischiun da gestiun culla remarcha d'examiner la remuneraziun dals presidents dals ultimsesch ans e d'examiner eir la remuneraziun da l'intera suprastanza cumünela.

Dumandas da contribuziun

La supranza cumünela ho survnuev diversas dumandas per üna contribuziun finanzia per sustgnair evenimaints regiunels. La supranza cumünela ho fat bun tuot las dumandas da contribuziuns tenor la clef da spartiziun da la regiun Malögia.

Cunvegna lingia d'ova traunter S-chanf e Zuoz

Las vschianuchas da S-chanf e Zuoz installeschan insembel la lingia d'ova potabla i'l s-chef da la Swissgrid traunter Büglis e Curtinellas. Per pudair transferir e nüzzer la lingia d'ova potabla drouva que ün dret da passagi sün diversas parcellas. L'import d'investiziuns da fr. 250'000.00 es gnieu aderieu da la radunanza cumünela ils 13 december 2017. Causa cha'ls proprietaris da las parcellas nr. 162 e nr. 239 refüsan il dret da passagi, vegn adatto il proget e la lingia d'ova per la peja installo süllas parcellas nr. 163 e nr. 651.

La supranza cumünela aderischa ils adattamaints necessaris dal proget ed ils contrats da servitut unanimmaing.

Impü vegn l'utilisaziun da l'ova reglo in üna cunvegna traunter las duos vschinaunchas. La cunvegna dess gnir suottamissa per l'approvaziun a la radunanza cumünela ils 20 gün 2018. La supranza cumünela piglia cugnuschentscha da la cunvegna (prüma lectüra).

S-chanf, 23 avrigl 2018

La supranza cumünela